

Direkteur Sinode

NG Kerk in Oos-Kaapland

Ds Danie Mouton

Tel 041 365-3159 (k) - Sel 082 9234 178 - danie@ngkok.co.za - Faks: 0865 860 623
Posbus 34842, Newtonpark, 6055

4 Mei 2021

Vir aandag: Skribas, Leraars en Voorsitters van kerkrade

Geagte kollegas,

SINODE 2021 : KEERDATUM VIR GELOOFSBRIEWE : 15 JUNIE 2021

Keerdatum: 15 Junie 2021

Hierdie is 'n vriendelike herinnering dat die keerdatum vir die indien van **geloofsbriewe 15 Junie 2021** is.

Nota:

Ons volg hiermee ons vorige kennisgewing op – hierdie skrywe moet saam met die [skrywe van 17 Februarie 2021](#) gelees word.

Baie dankie aan gemeentes wat reeds hul geloofsbriewe ingedien het – hierdie kennisgewing gaan aan alle gemeentes, so ignoreer net indien u dit reeds ingedien het.)

Aangeheg 'n pro forma geloofsbrief – u moet asb. hierdie vorm gebruik. Dit is ook aanlyn beskikbaar - [PDF](#) – [MS Word](#)).

Sinode 21 het ook 'n **eie webafdeling** – besoek www.ngkok.co.za, klik op die keuselys bo-aan op SINODE en dan "Sinode 2021". Hou dit van tyd tot tyd dop, soos die tyd naderkom sal die blad opdateer word.

Covid 19

Op hierdie stadium is ons redelik seker die Covid-19-situasie sal 'n sinodesitting in Oktober 2021 moontlik maak. Indien enigiets verander sal ons betyds 'n alternatiewe reëling tref.

Waarde-aanbod van die sinode

Ons sinodesittings word gekenmerk deur geestelike insette en 'n versterkende geestelike reis.

Ons onderskei saam, sing saam en bid saam. Ons nooi vanjaar vir prof. Marius Nel om dagwydings te lei en elke dag opbouende insette oor gemeente-wees te maak. Prof Nel is 'n boorling van die Oos-Kaap, was vir lank 'n gemeente-predikant en het 'n lewendige belangstelling in gemeente-wees.

Daar sal ook ander waardevolle insette vir die plaaslike bediening wees.

Om mekaar te leer ken, is ook belangrik. Ons gee genoeg tyd vir ontspan en kuier. Moenie bang wees nie. Willows is teen die see, waar jy ook kan gaan stap of op die rotse sit. Daar sal nie 'n vervelige oomblik wees nie.

Logistiek

- 3.1 **DATUM:** 18 - 21 Oktober 2021. Die datum is reeds in 2020 bekendgemaak.
- 3.2 **PLEK:** Die sinode word by die Willows Vakansieoord net buite Port Elizabeth gehou. [Sien kaart.](#)
- 3.3 **KOSTE:** Hoewel die reëling is dat kerkrade die koste van die sinodale vergaderings dra, het die Sinodale Kommissie besluit die sinode dra vanjaar die koste van die vergadering. Die doel is om gemeentes sover moontlik in die Covid-tyd by te staan.
- 3.4 **TYD:** Ons begin op 18 Oktober om 09:00 tot 11:00 met registrasie, en sluit op 21 Oktober om 14:00 af.
- 3.5 **AFGEVAARDIGDES:** Alle gemeente-predikante en diensleraars (indien u gemeente reeds oor hierdie nuwe poskategorie beskik) woon die sinode by, asook 'n kerkraadslid per predikantspos. Gemeentes met vakatures vir predikante moet asb. 'n kerkraadslid in die leraar se plek afvaardig, d.w.s. twee afgevaardigdes stuur. Belangrik: Probeer asb. ook jonger persone en vroue stuur (d.w.s. nie net afgetrede persone nie), sodat die diversiteit van lidmate t.o.v. ouderdom en geslag op die sinode verteenwoordig kan word.
- 3.6 **REISKOSTE:** Reiskoste sal streng vir een voertuig per gemeente of vir een motor per vier afgevaardigdes betaalbaar wees.

Ander reëlins

Volledige besonderhede oor ander keerdatums, verblyfreëlins, beskrywingspunte e.s.m. is vervat in my [skrywe van 17 Februarie 2021](#).

Navrae

Vra gerus indien enigiets vir u onduidelik, of indien u verdere inligting benodig.

Baie dankie vir u samewerking.

Ds Danie Mouton
Direkteur Sinode